

218 INSECTA COLEOPTERA. CARABUS.

lae inferiores majores, arcuatae, acutae, ad basin denticulo armatae a latere interiore. Maxillae inferiores acuminatae, arcuatae, denticulo ad basin interae, etiam instructae. Palpi maxillares superiores singulae tribus articulis constant, extremo reliquis crassiore: haec antennulae maxillis triplo longiores sunt: antennulae maxillares inferiores unico articulo confusae, nec maxillis longiores. Oris labium superius obtruso-emarginatum. Thorax ater, a tergo convexus, leviusculus, margine laterali prominente versus basin angulato; a parte pectoris thorax compressus cartilagine ensiformi vel scutello versus abdomen. Elytra ovata, arcuata, atra, margine exteriori elevata, aut dilatata; in singulo elytro tres ordines longitudinales punctorum elevatorum, ovatorum, singulo ordine duodecim communiter punctis: Abdomen glabrum, uti totum corpus; Femora teretiuscula: Tibiae ad apicem duabus feris terminatae.

β Carabus niger, elytris subvirescentibus convexe punctatis striatisque. *Fn.* 512.

Habitat inter quisquilias.

DESCR. Magnitudo, statura, odor & omnia ut in praecedente, sed Elytra e nigro subvirescentia; an sexus differentia?

γ Carabus niger, elytris aeneis convexe punctatis striatisque. *Fn.* 513.

Habitat inter ligna putrida.

DESCR. Omnia ut in primo, sed elytra, thorax & caput a tergo aenea.

782. CARABUS *clatratus* apterus nigricans, elytris porcatis interjectis punctis excavatis longitudinalibus.

Habitat in putridis.

DESCR. Corpus majoris magnitudinis, nigrum. Elytra singula fulcis tribus latis, in quibus puncta oblonga, elevata; porcae sulcos distinguentes acuto dorso sunt.

783. CARABUS *hortensis* apterus, elytris punctis aeneis excavatis triplici serie.

Carabus purpurascens-niger, elytris concave punctatis striatisque. *Fn.* 514.

Raj. inf. p. 96. n. 2. Cerambyx purpurea punctata.

List. nat. t. 18. f. 4.

Act. ups. 1736. p. 19. n. 1. Carabus niger, elytris sulcatis punctatis.

Habitat inter putrida vegetabilia.

DESCR. Omnia ut in praecedentibus. Elytra tribus ordinibus longitudinalibus punctorum excavatorum, rotundorum, singulo ordine duodecim punctis contante; Lineae longitudinales puncta distinguentes etiam concavae sunt.

784. CARABUS *leucophthalmus* apterus, elytris laevibus: striis obsoletis octo.

Carabus ater, elytro singulo striis octo. *Fn.* 515.

List.